

Iesu Samoa

(faata'ita'i i le solo a James K. Baxter, Maori Jesus)

Na ou vaai i le Iesu Samoa o fesavalia'i i le ala
E sulu lona ie solosolo ma lona mitiafu uliuli e
masaesae 'autafa
O lona ulu e fusi i le laufala—ma lana kitara e
faafuata: Na mafua ai ona faate'a e lo latou nuu.

Na amata ona a'oa'o atu o ia i luga o le uafu
i Salelologa
I le mataupu o le togi le moa ae 'u'u le 'afa
Na maua iina ona ulua'i soo
O le tasi sa falepuipui i le gaoui povi,
A o le isi e faigaluega i le ofisa o lafoga i le
taulaga, E iai ma le supokako ma le failotu faau'u,
Ma le faia'oga e 'onā i le Aso Lulu,
O le tasi o se tama'ita'i e fai lana sefe panikeke
i le maketi i le taulaga.

Ina ua faitio Iesu Samoa i le tu ma le aga
O le togi o le moa ae 'u'u le 'afa; ma ia
fatu le pese, E lei vaeluaina le suafa pa'ia o le
Atua i se tagata,
Ona tupu ai lea o le le fiafia o matai,
Ua latou faapea mai, Se'i e vaai ifo oe ia te oe,
E te soli sapatu, e te 'ai fealua'i, ua tele lou faitio
i ta'ita'i.

Ae ina ua fai mai o ia o le Atua Tagata
Ona molia ai lea ma tuua'iina o se tasi ua fia
Kaisala.
Ua latou pu'e ia te ia ma avatu i le Kovana
Siamani
Ua ia faatafea o ia i le vasa—ma maliu ai lava
I le vaveao o le po tolu talu lona maliu,
Na lagonaina ai se tasi o loo pese mai le sami
ma ta lana kitara:
Fai mai ona soo, o ia lea ua toe tu mai.